

Rock'n Roller

Rudolf Winklhofer/Sonja Arian Sperr

Jetzt is es 3 Uhr Nachts, und i bin jetzt scho miad
Doch mein Kollegin sogt: Geh bitte, bitte schreib a Liad
I soi an Text schreib, oba bitteschön, des kaun i ned
Weus jo eh schon ollas gibt, worübmä heite red
Schreib a Lied, oba des scho mit G'füh
I was ned, wos de scho wida von mir wü
Vor mir liegt jetzt a weisses Blattl Papier
Wo i verzweifelt probier und einen Text komponier
Noch ana Stund is des Blattl immer no weiß
I glaub, auf den Text i heute no sch.....schreib
I glaub, jetzt krieg i no an textlichen Koller
Weu eigentlich bin i a Rock'n Roller

A Rock'n'Roller is vü toller ois a Texter mit an Koller
Auf ana Bühne wirst nie müd waun deine Band an Rock durt spüt
Ah waoust ned kaunst deine Noten, improvisier'n is net verboten
Des Publikum vor dir des is net bläd, a wauns den Text ned versteht

Bei mir daham do steht de Stromgitarr
Hob ma docht in unsrer Band do werd i a Star
Oba leider wird jo ah des Texen verlangt
Und des raubt mir scho langsam fast den Versand
Weu des weiße Blattl liegt noch immer vor mir
Wo i verzeifelt probier und einen Text komponier
I hob da gsogt, i brauch an Text für a neichs Liad
Doch mittlerweile glaub i ned, dass daraus irgendwonn wos wird
Daweil wor i so sicha in dir steckt a Poet
I glaub jo fost du bist nur faul, weu eigentlich täusch i mi ned
Wos bringen denn die gonzen Lieder, die i mühsam arrangier
Mit Schlagzeug, Bass und Saxophon, mit Flöten, Geigen und Klavier?

A Rock'n'Roller is vü toller ois a Texter mit an Koller
Auf ana Bühne wirst nie müd, waun deine Band an Rock durt spüt
Ah waoust ned kaunst deine Noten, improvisier'n is net verboten
Des Publikum vor dir des is net bläd, a wauns den Text ned versteht

I meinem Hirn hab i an textlichen Knoten
Andererseits kaun i eigentlich a gor kane Noten
So denk i ma i schreib kan Text, des find i toll
Ich hör gaunz anfoch wieder einen Rock'n Roll
Denn des verstehn de Leit a ohne Text
Und i mit meinen Texten niemanden verletz'

A Rock'n'Roller is vü toller ois a Texter mit an Koller
Auf ana Bühne wirst nie müd waun deine Band an Rock durt spüt
Ah waoust ned kaunst deine Noten, improvisier'n is net verboten
Des Publikum vor dir des is net bläd, a wauns den Text ned versteht